

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97) Zakonodavno - pravna komisija Skupštine Kantona Sarajevo na sjednici održanoj 22.2.1999.godine, utvrdila je prečišćen tekst Odluke o preuzimanju prava osnivača Javne ustanove „Istorijski arhiv Sarajevo“.

Prečišćeni tekst Odluke o preuzimanju prava osnivača Javne ustanove „Istorijski arhiv Sarajevo“ obuhvata:

1. Odluku o preuzimanju prava osnivača Radne organizacije Istorijski arhiv Sarajevo („Službene novine grada Sarajeva“, broj 10/92);
2. Odluku o preuzimanju i izmjenama i dopunama Odluke o preuzimanju prava osnivača Javne ustanove „Istorijski arhiv Sarajevo“ („Službene novine Kantona Sarajevo“, broj 14/97);

u kojima je označen dan stupanja na snagu tih odluka.

Broj 01-05-12-3/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA**O PREUZIMANJU PRAVA OSNIVAČA JAVNE USTANOVE „ISTORIJSKI ARHIV SARAJEVO“****(PREČIŠĆEN TEKST)**

Član 1.

Ovom odlukom preuzima se Odluka o preuzimanju prava osnivača Javne ustanove „Istorijski arhiv Sarajevo“ („Službene novine grada Sarajeva“, broj 10/92) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove „Istorijski arhiv Sarajevo“ koja nastavlja sa radom kao kantonalna Javna ustanova u državnoj svojini.

Član 3.

Naziv Javne ustanove je „Istorijski arhiv Sarajevo“ (u daljem tekstu: Arhiv).

Sjedište Arhiva je u Sarajevu, Ulica Koturova 3.

Član 4.

Arhiv ima svojstvo pravnog lica.

Član 5.

Djelatnost Arhiva je:

92.51.2. djelatnost javnih arhiva.

Član 6.

Arhiv ne može promijeniti djelatnost iz člana 5. ove odluke bez saglasnosti osnivača.

Član 7.

Danom stupanja na snagu ove odluke Arhiv preuzima objekte i opremu na korišćenje i prava i obaveze bivše gradske Javne ustanove „Istorijski arhiv Sarajevo“.

Objekti i oprema iz stava 1. ovog člana imovina su Kantona.

Član 8.

Izvori sredstava za rad Arhiva su:

- sredstva osnivača,
- iz naknada za obavljanje intelektualnih i drugih usluga,
- iz legata, poklona, zavještenja i iz drugih izvora.

Član 9.

Vlada Kantona daje saglasnost na Pravila, planova rada i razvoja i godišnji program rada Arhiva.

Član 10.

Pitanje prava i obaveza između osnivača i Arhiva koja nisu regulisana ovom odlukom, utvrđuje se ugovorom.

Član 11.

Organ upravljanja u Arhivu je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih kadrova zaposlenih u Arhivu.

Predsjednika i članove Upravnog odbora imenuje i razrješava Vlada Kantona Sarajevo.

Član 12.

Organ rukovođenja u Arhivu je direktor.

Direktora Arhiva imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.

Direktor Arhiva ne može biti član Upravnog odbora.

Član 13.

Organ kontrole poslovanja u Arhivu je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u Arhivu.

Član 14.

Radnici Arhiva ostvaruju prava u skladu sa zakonom, pravilima Arhiva i kolektivnim ugovorom.

Član 15.

Upravni odbor uskladiće pravila, akt o unutrašnjoj organizaciji i druga akta u roku od 60 dana od dana stupanja na snagu ove odluke.

Član 16.

Nadzor nad zakonitosti rada Arhiva vrši Ministarstvo kulture i sporta Kantona Sarajevo.

Član 17.

Javna ustanova "Istorijski arhiv Sarajevo", obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 18.

Za svoje obaveze Arhiv odgovara svom svojom imovinom - potpuna odgovornost.

Osnivač Arhiva je supsidijarno odgovoran za obaveze Arhiva.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 29. stav 1. Zakona o arhivskoj djelatnosti ("Službene novine Kantona Sarajevo", broj 2/00 i 3/05), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O PREUZIMANJU PRAVA OSNIVAČA JAVNE USTANOVE "ISTORIJSKI ARHIV SARAJEVO"

Član 1.

U nazivu i čl. 1., 2. i 3. stav 1., članu 7. stav 1. i članu 17. Odluke o preuzimanju prava osnivača Javne ustanove "Istorijski arhiv Sarajevo" ("Službene novine Kantona Sarajevo", broj 3/99-Prečišćeni tekst), riječ "Istorijski" zamjenjuje se riječju "Historijski".

Član 2.

U članu 3. stav 2. riječi: "Koturova 3", zamjenjuju se riječima: "Alipašina broj 19."

Iza stava 2. dodaju se novi st. 3. i 4. koji glase:

"Naziv i sjedište Arhiva iz st. 1. i 2. ovog člana može se promijeniti".

"Odluku o promjeni naziva i sjedišta Arhiva donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 3.

U članu 6. dodaju se novi st. 1. i 2. koji glase:

"Djelatnost Arhiva iz člana 5. ove Odluke može se proširiti ili promijeniti".

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 4.

U članu 9. iza riječi "Pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 5.

Iza člana 13. dodaje se novi član 13a. koji glasi:

"Član 13a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Arhiva,
- ako je Arhiv poslovaio sa gubitkom dvije (2) godine uzastopno,
- na njegov lični zahtjev,

- ako Skupština ne usvoji godišnji izvještaj o radu i finansijskom poslovanju Arhiva,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se Pravilima Arhiva."

Član 6.

U čl. 15. i 17. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o preuzimanju prava osnivača Javne ustanove "Istorijski arhiv Sarajevo".

Član 7.

Iza člana 16. dodaje se novi član 16.a.koji glasi:

"Član 16a.

Upravni, odnosno nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica upravnog, odnosno nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora."

Član 8.

Upravni odbor Arhiva dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 9.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Istorijski arhiv Sarajevo".

Član 10.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24520/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i člana 29 stav 1. Zakona o arhivskoj djelatnosti ("Službene novine Kantona Sarajevo", br. 2/00 i 3/05), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O PREUZIMANJU PRAVA
OSNIVAČA JAVNE USTANOVE "HISTORIJSKI ARHIV
SARAJEVO"**

Član 1.

Član 5. Odluke o preuzimanju prava osnivača Javne ustanove "Historijski arhiv Sarajevo" ("Službene novine Kantona Sarajevo", br. 3/99 - Prečišćeni tekst i 33/07), mijenja se i glasi:

"Član 5.

- (1) Djelatnost "Arhiva" je:
91.01 Djelatnost biblioteka i arhiva."
- (2) Djelatnost "Arhiva" obuhvata:
- preuzimanje javne arhivske grade,
 - prikupljanje privatne arhivske grade otkupom, poklonom ili odlaganjem,
 - stručno sređivanje arhivske grade radi korišćenja u javne, naučne i druge društvene svrhe,
 - objavljivanje grade i izdavanje stručnih i drugih publikacija, naučnih studija, organizovanje naučnih i drugih skupova i izložbi,
 - vođenje evidencije i stručnog nadzora i vršenje zaštite arhivske grade u nastajanju,
 - provođenje mjera zaštite arhivske grade u arhivu i brige za njenu sigurnost,
 - međusobnu saradnju i saradnju sa drugim ustanovama kulture, nauke, upravnim i drugim srodnim ustanovama i dokumentacijskim i informacijskim službama,
 - obavljanje i drugih poslova na području arhivske i drugih pomoćnih historijskih i informacijskih znanosti.

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-31437/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.